

## Հաշվետվություն

2023 թվականի հունիսի 27-ից 29-ը

Վրաստան, քաղաք Թբիլիսի գործուղման արդյունքների մասին

**1. Անուն ազգանունը.**

Նարեկ Խաչատրյան

**2. Զբաղեցրած պաշտոնը.**

ՀՀ ՊԵԿ ՆԱՎ անվտանգության և պահպանության բաժնի պետ

**3. Գործուղման վայրը և ժամկետները.**

Վրաստան, քաղաք Թբիլիսի 2023 թվականի հունիսի 27-ից 29-ը:

**4. Հրավիրող կողմը.**

Հարկային մարմինների ներեվրոպական կազմակերպություն

**5. Գործուղման նպատակը/աշխատանքային որ խնդրի լուծման համար էր նախատեսված գործուղումը/.**

Ընդհանուր համաժողովն անց է կացվել «Միջազգային հարկման համակարգի փոխակերպումը և հարկային մարմինները» խորագրի ներքո, որի ընթացքում քննարկվել են IOTA-ի կառավարման հետ կապված վարչական հարցեր և հարկային ոլորտի մասնագիտական թեմաներ:

**6. Քննարկված թեմաները.**

Ընդհանուր համաժողովի վարչական նստաշրջանի ընթացքում քննարկվել են կազմակերպության գործունեության, ֆինանսական և ներքին աուդիտի 2022թ. հաշվետվությունները, կազմակերպության 2024 թվականի բյուջեն և աշխատանքային ծրագիրը, դիտարկվել են կազմակերպության 2023-2025թթ. ռազմավարության ծրագրի շրջանակներում իրականացված աշխատանքների ընթացքը, ինչպես նաև վերջինիս կատարման մասով

քարտուղարության կողմից ներկայացված առաջարկությունները, կազմակերպությունում Ռուսաստանի և Բելառուսի հարկային մարմինների անդամակցության դադարեցման հարցը:

**7. Հանդիպումները, ելույթները, բարձրացված կամ քննարկված հարցերը.**

Համաժողովի ընթացքում մասնակիցները հավանություն են տվել կազմակերպության 2022 թվականի գործունեության, ֆինանսական և աուդիտորական հաշվետվություններին: Քննարկման արդյունքներով հաստատվել է նաև IOTA-ի կողմից իրականացվելիք 2024 թվականի միջոցառումների ծրագիրը, որով նախատեսվում է տարվա ընթացքում կազմակերպել լավագույն փորձի բացահայտման և փոխանակման մոտ երկու տասնյակ տարբեր ձևաչափերով դասընթացներ, վեբինարներ, համընդհանուր և տարածաշրջանային կոնֆերանսներ: Գալիք տարվա համար ՀՄԿ Գործադիր խորհրդի անդամներ են վերընտրվել Իտալիայի, Լեհաստանի, Լիտվայի, Մեծ Բրիտանիայի, Նորվեգիայի, Պորտուգալիայի, Սլովենիայի և Վրաստանի հարկային մարմինները, իսկ Ավստրիայի հարկային մարմնի ներկայացուցիչը հաստատվել է կազմակերպության աուդիտորական թիմի կազմում՝ երկամյա ժամկետով:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Համաժողովի շրջանակում տեղի են ունեցել «Հարկային մարմիններում ընթացող թվային էվոլյուցիայի ընթացքը և դրա ազդեցությունը միջազգային հարկման համակարգի վրա», «Բլոքչեյն տեխնոլոգիաների և համագործակցային տնտեսության առաջացրած դժվարություններն ու հնարավորությունները միջազգային հարկման համար» և մի շարք այլ արդիական թեմաներով խորհրդակցություններ: Անցկացվել է նաև «Թվային

փոխակերպումը՝ գործնականում» ՀՄՆԿ Տեքէքսայո ցուցահանդեսը, որին ՀՄՆԿ անդամակցող հարկային մարմինները հանդես են եկել թվային ոլորտում իրենց նորարարություններով:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Համաժողովին ՀՄՆԿ նախագահությունը պաշտոնապես փոխանցվել է Հունգարիայի հարկային մարմնի ղեկավարին: ՀՄՆԿ հաջորդ տարվա Ընդհանուր համաժողովն անցկացվելու է Հունգարիայում:

**10. Ստորագրությունը, ամսաթիվը:**

Նարեկ Խաչատրյան



14.07.2023թ.